



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

3. Nihil Regaliæ suffragari Galliæ Concordata.

urn:nbn:de:hbz:466:1-38277

& Ecclesijs Canonica Privilegia conservandi; at verò, quod Privilegium magis canonicum esse potest, quām quod tot Canonibus, Decre-
tisque Patrum, præsertim ultimo Lugdunensi Concilio, tam sanctè Ecclesijs assertum, & gravissimi poenis sanctum est? Regem ergo Sacrilegum faciunt potentiae obtentu. Cæterū & illud in viris eruditis, quales sunt, qui Regalia extendunt, mirum est in re tanti momenti, & Principis animam implicante, tam levi, vano-
que argumento niti, ut quod probare oportebat, supponere cogantur: Non potest, inquiunt, Rex jura Gallica Corona alienare, nec Ecclesia ea prescribere.

Demus. Atqui Regalia pertinet ad Jura Coronæ, & Reges eam alienâf-
sent, si Ecclesijs cesserint. Atqui in hac propositione omnia supponuntur,
quæ probari debebant. Supponitis dari Jus Regaliæ in eas Eccle-
sias, quæ nunquam hoc onus subierunt; at hoc probandum erat,
nam hic certatur. Supponitishoc Jus Regaliæ quoad eas Ecclesias,
quæ haec tenus exemptæ fuerant, à Regibus alienatum esse; at hoc
quoque probandum erat, nihil enim magis negamus; qui enim
poterat à Regibus alienari, quod Reges nunquam possederant?
quod ad Reges nunquam spectavit? & Ecclesiæ qui poterant Jus
illud præscribere, quo nunquam caruerant, & quo tanquam
proprio, innatoque gaudebant? nemo enim rem suam præscribit.
Supponunt ergo, quæ probari debebant, & tamen velut acie vi-
tores, servire Ecclesias jubent, cāmque Libertatem Ecclesijs admunt,
quam ne vilissimo possent: idque facinus prædicant Christianif-
fimo Rege, Ecclesiæque Primogenito dignum; quod quām dis-
sentiat ab illius pietate, nihil attinet dicere.

III. Opponitur 3. Per Concordata, seu Transactionem inter
Leonem X. Pontificem Maximum, & Franciscum I. Galliæ Re-
gem, Jus ad omnes Episcopatus, & Abbatias nominandi, præ-
sentandique ad Reges translatum est, sublatis electionibus; ergo
vi Concordatorum rediit antiqua potestas, quā Reges primi, secun-
dique stemmatis omnia Beneficia, & pro arbitrio dispensabant, id-
que non aliquibus tantum locis, sed toto Regno; atqui dispensatio
Beneficiorum primum Regaliæ caput, præcipuumque constituit.

4. Hæc Ratio iterum ex falsis principijs contexitur; supponit
enim primi secundique stemmatis Reges omnia Beneficia contu-
lisce,

lis, electionibus oppressis. At falsum id esse, ex multis constat. Clodovæus Electiones Episcoporum nunquam turbavit. Idem à Constantino Magno observatum est, nisi cùm jam electos auctoritate suâ contra æmulorum insidias muniebat. Et planè cùm ex præscripto Conciliorum, sacrorumque Canonum Gallicanæ Ecclesiæ tunc temporis regerentur, Canones verò eligi Episcopos juberent, dubium non est, non imperio Principum, sed votis, & electione fieri Episcopos debuisse. (a) At rarum est intra terminos, legésque magnam Potentiam diu cörceri. Extincto Clodovæ non eadem facris Canonibus observantia & reverentia stetit, & sàepe ab ejus filijs turbatae, occupataeque electiones sunt, Episcopis ex castris, aulâque submissis, nec merito, sed aut gratiâ, aut pretio delectis. Cui malo sàepe remedium à Concilijs Gallicanis quæsumum est, (b) decretumque, ut liberae electiones essent, nec tamen præter Regis assensum. Clotharius II. in Conventu Parisiensi edictum proposuit, quo ad normam sacrorum Canonum libertas electionibus dabatur. (c) Sed eas Principum cupiditas, præsertim Palatij Magistrorum, & denique Martelli penitus subvertit, adeò, ut publico mercatu, & velut sub hasta Infulæ venderentur, & indignissimis provenirent. Istos, quòd exemplo, & moribus Ecclesiæ corrumperent, Pipinus, & Carolomanus sedibus expulserunt, alijs ex consilio S. Bonifacij in Ecclesiæ evectis: quod ut tanto securius agerent, privilegio Zacharia Pontificis, diligendi, quos mallent, donati sunt: hujus privilegij meminit (d) Lupus Ferrariensis, Florus Magister, Marca Archiepiscopus Parisiensis, Maimburgus alijque, & innuunt etiam Joannes X. & Paschalus II. Carolus Magnus, aut libertatem electionibus reddidit, ut aliqui volunt; aut saltē non nisi Pontificum, seu Hadriani, seu Zachariae privilegio Infulas dispensavit, quas potentiores certatim

(a) Cypr. epist. 68. Clem. epist. ad Corinth. i. Orig. hom. 6. in Lev. Tertull. Apolog. cap. 39. Concil. Nicæn. cap. 4. Con. Chalced. cap. 13. S. Leo, epist. 84. cap. 5. (b) Conc. Aurel. V. can. 10. Anno 549. Conc. Par. III. can. 8. Anno 557. Conc. Parif. V. can. 1. Anno 715. Conc. Cabill. can. 10. Anno 650. V. de elect. Reg. Sacerd. à fol. 43. (c) Edict. Clotharij de anno 615. (b) Lup. Ferrar. epist. 81. Flor. in fragm. de elect. circa ann. 820. Marca lib. 8. cap. 20. Maimburg. histor. Iconocl. fol. 259. Joan. X. PP. epist. ad Herimann. anno 921. Paschal. II. apud Malmesb. lib. 5.

tatum rapiebant; idque non jure Regio, sed Pontificum gratiâ, quam temporum calamitas extorquebat. A Carolo sic factum esse, præter citatos auëtores, etiam Galli fatentur. (a) Ludovicus Pius Caroli Filius Regio diplomate in antiquam libertatem, & præscriptam à Canonibus formam electiones restituit, ut habetur in ejus Capitularibus, (b) quæ Abbas Ansegisus, Hincmarus, & Jvo Carnotensis Carolo adscribunt; alij vero, & plerique, Ludovico; non ideò tamen, aut Ludovicus, aut alij ab eo Reges penitus ab electionibus exclusi; quippe Regum consensus quærebatur, & eorum, qui imperare poterant, preces pro votis, & electione erant, ut quam plurimis exemplis constar, & litteris etiam à Concilio Parisiensi (c) ad Ludovicum datis. Quia ergo aut precum, aut Regij consensûs obtenu, aut etiam apertâ intrufione electiones canonicae turbabantur, sæpe illis vindicandis Regum edicta repetita sunt, qualia imprimis Ludovici IX. & Caroli VI. (d) Tandem conventione Leonis X. & Francisci I. totum jus nominandi, abolitis electionibus, ad Reges translatum est. Ex haec tenus dictis facile intelliges, quantum aut ignorantia peccaverint, aut imposturâ, qui ausi sunt scribere, Reges Francorum primæ, secundæque Stirpis Episcopatus pro arbitrio, & jure Regio contulisse, & huic Juri, quo alij Reges per ignaviam decesserant, post Concordata Leonis redditos esse; quantâ enim injuriâ, contemptuque veritatis ista dicuntur, cùm exempla, legesque Clodovæi, Caroli, Ludovici, Clotharij, & Ecclesiæ Gallicanæ, quæ suprà produximus, ignorari haud possint, saltem non debeant; cur enim istarum rerum peritiam prostinentur, librisque ostentant, si ignorant? aut quis pudor est, argumentis tam aperte vanis, irritisque Regiam fulcire, & Principem deludere? Et cur, rogo, Pipinus, & Carolomannus Zachariae privilegio instruendi erant, si Episcopatus Jure Regio conferebant?

Sed nec altera ejusdem Argumenti pars majori fundamento nititur: dicunt enim concessis nominationibus ad omnes Regni Episcopatus,

O 3 quod

(a) V. Maimburg, lib. 10. de l' Arianisme fol. 155. Christian. Lup. in Canon. Tomo 3. dissert. 3 cap. 9. P. Thomasin. de la discipl. dell' Egl. p. 3. lib. 2. cap. 24. Regal. Sacerd. fol. 49. (b) Lib. 1. cap. 84. (c) Concil. Parif. V. lib. 3. cap. 22. (d) Pragmat. Sanctio S. Ludovici Anno 1268. & Carol. VI. Anno 1406. & Anno 1418.

Callia
Vindicata
G III
230

quod per Concordata factum est, concessas etiam intelligi ad omnia Beneficia, & Canonicatus vacantium Ecclesiarum. At vero, quam foeda haec consequentia, & viribus cassa? Constat usque ad Reges tertiae Stirpis nullum locum Regaliæ fuisse; quo tamen tempore volunt Reges pro arbitrio, supremoque jure Episcopatus contulisse. Constat etiam eo tempore Regaliam prodijisse, quo electiones reductæ, plenâque libertate, ex ipsorum confessione, qui haec objectant, donatae sunt: nulla ergo inter haec duo jura connexio est, quæ toties separata sunt; quod si nulla connexio, quæ, rogo, simplicitas est, unum ex alio inferre? an nunquam in Juris-prudentiæ, & Dialecticæ scholis audierunt, à separatis non fieri bonam illationem? in odiosis (& quid vero magis, quam servitus Ecclesijs imposita, & Canonum antiquatio?) restringendas, non ampliandas Leges? In Contractibus non expressa pro omissis haberi? & mille alia, quæ argumentationes istorum elidunt: an vero etiam post Concordata non omnium Galliæ Regum haec ipsa mens fuit, & ipsius Francisci primi, qui nunquam Regaliam extendi permisere? nisi forte ignorantiae istos accuses, perinde, ac si Concordata, quæ ipso inierant, malè intellexerint, & ab istis, qui tanto post tempore venerunt, nec aliâ re magis, quam adulazione claris, imperandi artem didicerint.

IV. Opponitur 4. Demus, primis Ecclesiæ temporibus, quando Episcopi spontaneis oblationibus, sine alijs patrimonij vivebant, nullum Regaliæ locum fuisse; at vero quando ingentibus patrimonij, feudisque donati sunt, mutarunt conditionem; feudorum enim fructus, quæ hereditate non aequiruntur, qualia sunt Sacerdotij annexa, ad Dominum redeunt, eique, & nulli alteri, proveniunt. Jure ergo feudi vacantium Ecclesiarum fructibus Principes potiuntur. Quamvis vero alij etiam proventus, præter feuda, ad Episcopos pertineant, ut tamen Episcopatibus annexuntur, continuò nobiliorem habitum, feudique naturam induunt; & ita extincto Antistite, ad Principes spectant. Collationes Beneficiorum, quia sacerorum Canonum dispositione fructibus & quantitate, eandem fortunam cum feudis subeunt, ac Principi cedunt.

5. Hoc Maimburgi argumentum est, in quo istius Auctoris indolem, & artificia jam passim nota facile observes. Jus Regaliæ uni-